

Na osnovu odluke o pokretanju aktivnosti za raspisivanje Javnog poziva za prikupljanje ponuda-prijava u svrhu organizacije programskih manifestacija u prostornim kapacitetima Doma mladih, broj:912/22 od dana 18. 02. 2022. godine, KJP Centar „Skenderija“ d.o.o. Sarajevo raspisuje:

JAVNI POZIV

1. PREDMET JAVNOG POZIVA

Predmet Javnog poziva je **prikupljanje ponuda-prijava u svrhu organizacije programskih manifestacija u prostornim kapacitetima Doma mladih /KJP Centar „Skenderija“ d.o.o**

<i>rb</i>	<i>Prostor u Domu mladih</i>	<i>Površina u m²</i>	<i>Poslovna zona</i>	<i>Namjena</i>	<i>Cijena u KM</i>
1	Terezija bb 71 000 Sarajevo Prizemlje Južnog krila Doma mladih	cca. 750 m ²	I	kultura i slične djelatnosti	
2	Terezija bb 71 000 Sarajevo Prvi sprat Južnog krila Doma mladih	cca. 750 m ²	I	kultura i slične djelatnosti	
3	Amfiteatar i dio foajea kao i prostor backstagea, prizemlje i suteran Dom mladih	cca.1.280 m ²	I	kultura i slične djelatnosti	
4	Dancing dvorana , sprat Doma mladih	cca. 2.000 m ²	I	kultura i slične djelatnosti	

NAPOMENA:

Postoji mogućnost proširenja prostornih kapaciteta na prvom spratu Južnog krila Doma mladih.

2. OPIS PROJEKTA JAVNOG POZIVA

KJP Centar "Skenderija" – Dom mladih, je prepoznatljiv kao kultno okupljalište mladih po brojnim manifestacijama koji se održavaju i kao takav važi za jedan od najvećih simbola Sarajeva. U prostoru Doma mladih mnoge generacije su pisale svoju historiju.

Centar "Skenderija" i Dom mladih imaju za cilj da u narednom periodu a u skladu sa tradicijom i strateškim ciljevima unaprijede razvoj kulturne djelatnosti i pruži priliku mladima Bosne i Hercegovine da ispolje svoju kreativnost iz oblasti kulturnog stvaralaštva i budu aktivni sudionici dešavanja u ovom kulturnom centru. Dom mladih je sa svim svojim prostornim kapacitetima uvijek bio mjesto okupljanja muzičke i art scene ovog grada i naša intencija je održivost kontinuiteta tradicije i jačanja kulturnog BH identiteta.

Dom Mladih ima za cilj da u narednom periodu stavi u funkciju cjelokupne prostorne kapacitete na raspolaganje građanima, posebno prostor „Južnog krila Doma mladih“, „Amfiteatra“ „Dancing dvorane“ kao i pratećih prostorija u prizemlju i suterenu objekta, čija bi namjena bila „Multifunkcionalni interpretativni centar“ sa novim programskim sadržajima kojim bi se dao doprinos u promociji svih vrsta kulturnih manifestacija, druženju i upoznavanju mladih, afirmacija mladih umjetnika, doprinos afirmaciji bosanskohercegovačke kulture i kulturnih identiteta, uspjesi mladih na domaćem i međunarodnom planu, promociji i razmjeni ideja i aktivnosti, poboljšanju saradnje između svih kulturnih institucija, edukaciji posjetilaca putem raznih prezentacija, seminara, konferencija, jačanju naučno-istraživačkog rada, promociji Sarajeva i BiH u cjelosti.

3. NAMJENA I SVRHA PROJEKTA JAVNOG POZIVA

Budućnost razvoja i unaprijeđenja kulturne djelatnosti ima zasigurno potencijal na afirmaciji muzičkih programskih sadržaja te tematskim muzejima, koji će interpretirati određeno kulturno dobro, karakteristično za određeni lokalitet, ali će pri tome ukazati na srodne pojave širom Bosne i Hercegovine.

„Južno krilo Doma mladih“ kao novi „Multifunkcionalni intepretativni centar“ će također osmisliti različite aktivnosti i edukacije za školsku omladinu, od izvedbenih umjetnosti do običaja i svečanosti različitih zajednica. Evidentno je da u Sarajevu i Bosni i Hercegovini nedostaju centri za posjetioce (edukativni i interpretativni), koji nisu zahtjevni poput muzeja iako im i muzeji mogu biti pridruženi. Ovi centri primarno trebaju da zadovoljavaju potrebe i zahtjeve posjetioca.

Svakako je neophodno osmisliti i implementirati različite sadržaje i radionice koje imaju namjenu kreativnog rada u kojim će biti izražena sinergija, odnosno veza između tradicije kulture i posjetioca, koji mogu biti i sukreatori daljnjih aktivnosti.

Svi ovi prioriteti teško su ostvarivi bez stručne pomoći i koordinacije određenih agencija, koji bi koristiti prostore Doma mladih za navedene potrebe.

Namjena dostavljenih projekata – aplikacija, treba uključivati dolje navedene umjetnosti.

Planirano je da okvirna strategija rada Multifunkcionalnog interpretativnog centra u prostorima iz člana 1. ovog poziva, bude zasnovana na slijedećim umjetnostima:

- **Muzička umjetnost**, (primarno, prezentacija i promocija sarajevske pop rock škole);
- **Muzeji**, (na području grada je dostupna sjajna muzejska zbirka te je potrebno istu interpretirati kroz promociju tematskih kulturnih putokaza);
- **Tradicijska kultura**, (tradicijski načini života, kulture, pjesme, plesa običaja i dr.);
- **Obrazovanje i edukacija**, (edukacija posjetioca kroz promotivne brošure ili organizovanje programskih sadržaja koji se prezentuju u Multifunkcionalnom interpretativnom centru);
- **Likovna i primjenjena umjetnost**, (što bolja vizuelna prezentacija likovnih potencijala Sarajeva u raznim oblicima, izložbe domaćih i stranih slikara privlače pažnju mnoštva posjetioca);
- **Scenska umjetnost**, (Multifunkcionalni prostor je dobra adresa za putujuća pozorišta);
- **Filmska umjetnost**, (Iniciranje promotivnih filmova o sarajevskoj školi, Multifunkcionalni promotivni prostor kao novi prostor za već postojeće filmske festivale);
- **Mediji i informacione tehnologije**, (prostor koristiti kao B2B susrete, zatim net klubove i mjesto stalnih susreta);
- **Arhivi**, (privatne zbirke, samostalne biblioteke koje će imati izražen interes posjetioca, a vezano za kulturološki život Grada Sarajeva i države Bosne i Hercegovine);

4. PRAVO UČEŠĆA

Pravo učešća na Javnom pozivu imaju sva pravna lica sa teritorije Bosne i Hercegovine registrovana za obavljanje djelatnosti prema namjeni prostora.

5. OPĆE NAPOMENE

Centar Skenderija će prije izdavanja u zakup prostora Amfiteatra sa pratećim prostorijama te Južnog krila Doma mladih (bivši Ars Aevi), dovesti u tehnički- tehnološko ispravno stanje u smislu uređenja krovne konstrukcije, sistema grijanja, te postojeće pregrade ukloniti.

Za odabir najkvalitetnijih programskih manifestacija će se oformiti posebna Komisija, u čiji sastav će biti angažovani: predstavnik Osnivača (Ministarstvo kulture i sporta), dva predstavnika struke- eminentni i poznati stručnjaci iz oblasti kulturne djelatnosti kao vanjski članovi, te predstavnici Preduzeća.

6. NAČIN I MOGUĆI OBLICI SARADNJE

- I. Iznajmljivanje prostora u svrhu samostalnog organizovanja programskih manifestacija kulturno- zabavnog karaktera, kroz korištenje termina zakupa prostora;
- II. Korištenje prostora u svrhu samostalnog organizovanja programskih manifestacija kulturno- zabavnog karaktera, kroz zakup više termina, uz potpisivanje Okvirnog sporazuma;
- III. Suorganizacija sa Centrom Skenderija u organizovanju programskih manifestacija kulturno- zabavnog karaktera kroz oblik poslovno tehničke saradnje uz potpisivanje ugovora, shodno zakonskim propisima za ovu vrstu saradnje;
- IV. Kandidovanje Projekata i Programa kulturno-zabavnog karaktera prema Centru Skenderija i zajedničko apliciranje relevantnim institucijama za podršku u sufinansiranju realizacije manifestacija;
- V. Ostali vidovi saradnje na realizaciji programskih sadržaja u prostoru Centra Skenderija, prema prijedlogu aplikanta.

7. PERIOD TRAJANJA SARADNJE- UGOVORA

- 2022.g – 2025.g (četiri godine);
- 2022.g – 2023.g. (jedna godina);

8. SADRŽAJ PONUDE

Pismena ponuda na Javni poziv treba da sadrži :

1. Čitko naznačen naziv firme, adresu, odnosno sjedište firme i broj telefona ponuđača,
2. Dokaz o identitetu podnosioca prijave – prijava mjesta prebivališta, aktuelni izvod iz sudskog registra ili rješenje o obavljanju samostalne djelatnosti, identifikacioni broj (ovjerene kopije) za ponuđače koji imaju registrovanu djelatnost,
3. Uvjerenje o izmirenim poreskim obavezama,
4. Dostavljanje prijave - ponude sa preciziranim **Planom** realizacije programskih manifestacija u kojem će biti konkretno naveden slijedeći sadržaj:
 - vrsta manifestacije,
 - prostori održavanja programa, iz tačke 1.ovog poziva;
 - način i oblik saradnje sa Centrom Skenderija, iz tačke 6 ovog poziva;
 - prijedlog kalendara sa terminima održavanja programa,
 - period trajanja ugovornog odnosa iz tačke 7 ovog poziva.
4. Izjava ponuđača da će programski sadržaji biti organizovani u skladu sa profesionalnim i etičkim standardima te da izvedeni programski sadržaji neće izlaziti iz okvira kojim bi bio narušen poslovni ugled, interesi i materijalna dobra Dom mladih/Centra Skenderija;
5. Potpisana izjava ponuđača o posjedovanju profesionalne i tehničke sposobnosti za učešće na predmetnom javnom pozivu;

Ponuđači se mogu kandidovati za sve oblike saradnje koji su navedeni u tački 6 ovog poziva ili za pojedinačnu saradnju. U slučaju kandidovanja za više načina saradnje, ponuđač je obavezan pojedinačno obrazložiti svaki oblik saradnje prema sadržaju iz Plana realizacije programa.

9. KRITERIJ ZA OCJENU PONUDA

Po prijemu pismenih ponuda, Komisija određena za razmatranje prispjelih ponuda, izvršiće odabir ponuđača vodeći se kriterijem:

- a) Poslovne reference ponuđača;
- b) Kvalitet Plana realizacije programskih manifestacija za obavljanje u prostoru Doma mladih;
- c) Ponuda za zakup prostora prema načinu saradnje iz tačke 6 ovog poziva, na duži vremenski period;
- d) Kontinuitet rada aplikanta.

Svi ponuđači koji dostave urednu traženu dokumentaciju iz tačke 8 ovog poziva, te nakon provođenja procedura vezanih za izbor i ocjenjivanje pristiglih ponuda od strane Komisije, a koji budu zadovoljavali kriterije profesionalne i tehničke prakse, **sa istim će biti zaključen Ugovor sa jasno definisanim uslovima korištenja**, ugovornih strana.

Plan organizacije programskih sadržaja u kojem je planirano održavanje **više programa mjesečno/godišnje**, u prostoru Centra Skenderija, će imati **poseban popust** u odnosu na postojeći Cjenovnik o korištenju prostora, a shodno Odluci nadležne upravljačke strukture Preduzeća.

Centar Skenderija **zadržava pravo da izvrši odabir jednog ili više ponuđača**, za jedan prostor u Domu mladih, čije su ponude prihvatljive za unaprijeđenje i afirmaciju programskih manifestacija kulturno-zabavnog, karaktera kao i poslovanje Preduzeća.

10. PODNOŠENJE I OTVARANJE PONUDA

Svi zainteresovani pismene ponude na Javni poziv sa traženim priložima, podnose u zatvorenoj i zapečaćenoj koverti sa naznakom „Prijava za javni poziv za prikupljanje ponuda-prijava u svrhu organizacije programskih manifestacija u prostornim kapacitetima Doma mladih“ - NE OTVARAJ, sa naznakom ponuđača-zakupca i adresom.

Prijave slati poštom na adresu **KJP KJP Centar „Skenderija“ d.o.o., Terezija bb, 71 000 Sarajevo ili predati na protokol Preduzeća.**

Nepotpune i neblagovremene ponude neće se uzeti u razmatranje.

Javni poziv ostaje otvoren **15 (petnaest) dana** od dana objavljivanja u jednom od dnevnih listova sa područja FBiH, zaključno do **08. 03. 2022. godine, do 15.00 časova** posljednjeg dana trajanja oglasa.

Javni poziv bit će objavljen i na web-stranici KJP Centra „Skenderija“ d.o.o. Sarajevo

Javno otvaranje ponuda obaviti će se dana **09. 03. 2022. godine u 14:00 sati** u prostorijama KJP „Centar „Skenderija“ d.o.o na adresi Ul. Terezija bb, 71000 Sarajevo.

OSTALE ODREDBE

Svi zainteresovani za učešće po ovom Javnom pozivu imaju pravo uvida u poslovne prostorije iz ponude. Pregled se može izvršiti svaki radni dan u terminu od 09:00 sati do 16:00 sati uz predhodnu najavu na telefon. Kontakt telefon: 033 211 016. Sve ostale bitne stavke će se precizirati u samom Ugovoru.